

نعمة المعبود ليا هالجنون ذايب ابحب الولي من نونه
والعقل متباهي ضل بجنونه لو يآشر بو علي كن فأكون

يا حسين الحاء حبك يا أمير ابعالم الذرّات قررت المصير
أول الجلمات مني (يا حسين) رتلّت أسمك و انا بعدي صغير

أمي رضعتني بحُسين و لما فطمتني بحُسين

ابغير حبك سيدي أنه اش اكون

وما شربت الماي ما اقبل اطيع كنت أشك اگماطي ابخالن فضيع
أمي تدري شالسبب ليش النحيب سايلة ادموعي لعبدالله الرضيع

السين أسأل يا حُسين شنو ذنب ابن الحُسين

لو ذكرته أختنك تبجي العيون

الياء يحيا بالكلب حزني الدفين و أنه كل دكة كلب أنبض حسين
يعني لو أنسى الحزن مرة أموت وصار حبك سلوتي ابهذي السنين

و أنه اتنفس حُسين ينطك الساني بحُسين

أصرخ ابأسمك فخر خل يسمعون

النون ما معروف سرها للبشر
اوگع و اوگف والم دمع و دما
و من اوصلّ ليها چن دم انهمر
اختلط دمعني أويا دمك بالنحر

من دموعي يا حسين
أغسل المنحر حسين

بالقلم أقسم أنا و مايسطرون

أذكر امن اصباي أحضر ماتمك
و لبت تنزل دمعتي و ما تنكطع
و الله محلات الحزن في عالمك
و أدعي تقبلني مواسي و خادمك

حگ علي ابن الحسين
خذي خادم يا حسين

ألف هنيال اللي عندك يخدمون

الله يحفظ هالجفوف ال لاطمة
رابي ابوسط المواكب و العزا
و الله يجعل هالشعاير قائمة
و أدري تحضر بالمواكب فاطمة

شاعرك خط الحسين
ناعي يصدح يا حسين

و ما تهمنا الناصبة هاليكروهون